

Pled rumantsch – KhurPride

Charas amias ed amis, charas famiglias, chars alliats, chara community,
cordial bainvgnü a la KhurPride 2026.

„flurir ensemen“ (RG)

A mai para ch'üna fluor saja ün simbol fich müravglius.

Üna fluor nu dumonda, sch'ella s'affà culla cuntrada.

Ella nu dumonda, scha sia culur as cunfa cullas otras culurs. Ella nu dumonda,
sch'ella es massa gronda, massa pitschna, massa sulvadia o massa fina.

Ella crescha.

Ed üna jada flurischa ella.

Per ch'üna fluor possa flurir, douvra terra, aua, glum, chod. E minchatant douvra
eir protecziun cunter ün orizzi.

Nus tuot*as dovrain ün lö, ingio cha nus pudain far ragischs. Persunas chi'ns dan
tegn. Persunas chi dischan: Tü das-chast esser quia. Precis uschè sco cha tü
est.

Guardain ün prà da fluors.

Il prà nun es bel, perquai chi crescha là dapertuot la listessa fluor.

El es bel, perquai chi creschan là uschè bleras differentas fluors.

E forsa es quai üna da las plü bellas sabgentschas da la natüra.

Diversità nun es ün sbagli i'l sistem. Diversità es il sistem.

Eir nossa società es ün prà da fluors.

E güsta quia illas muntognas savaina che chi voul dir da crescher, adonta cha
las cundiziuns nu sun adüna simplas.

Fluors da muntogna nu douvran ün üert perfet.

Ellas creschan eir là, ingio cha'l terrain es crappus. Ingio cha'l vent es crüj. Ingio
cha l'inviern düra lönch. Là, ingio cha minchatant las premissas nu sun idealas,
cha alch possa insomma flurir.

E listess tuornan ellas.

On per on.

Forsa sun personas queeras minchatant ün pa sco las fluors da muntogna.

Perquai cha nus savain che cha resistenza voul dir.

Nus savain co chi's santa da far ragischs, schabain ch'inchün ans voul dir chi nu's tocca quia.

Nus savain quant curaschi chi dovra minchatant per laschar crescher l'aigna vardà.

E nus savain eir:

Flurir es üna forza enorma.

Sch'inchün prouva d'ans far gnir plü pitschens(pitschnas) / indeblir, flurin nus inavant.

Sch'inchün ingiuriescha (es cunter) noss'amur, amain nus inavant.

Sch'inchün ans voul tour noss dret, staina insembel.

Na cun ödi.

Ma cun amur.

Na cun forza.

Ma cun visibilità.

Na cun tour la libertà ad oters, dimpersè cun star aint per la libertà per tuot*as.

E perquai es üna Pride eir daplü co üna festa.

Schi, nus fain hoz festa.

Nus portain culuors. Nus ballain. Nus riain. Nus eschan dad ot.

Ma nos plaschair nun es apolitic.

Tuot ils umans (las personas) chi's bütschan hoz sainza as zoppar, muossan ün pitschen toc libertà.

Mincha bindera arch San Martin chi svoula hoz aint il vent disch:

Nus eschan quia.

E mincha persona chi fa hoz la prüma jada üna visita ad üna Pride e pensa : „Forsa das-ch eu propcha esser uschè“ –

Schi'd es quia hoz üna persona giuvna chi nu sa amo sch'ella po restar.

Sch'ella po avair qua ün avegnir.

Sch' ella po amar quia.

Sch'ella po gnir veglia quia, sainza adüna stuvair as declerar.

Schi less eu dir a tai:

Tü nu stoust schmetter dad esser tü svest, be perquai cha'l muond nun es minchatant amo pront per quai.

Nus lain cha nossas valladas in Grischun sajan lös ingio cha la glieud nu sto ir davent per esser libra.

Nus dovrain umans chi'ns sustegnan chi dan tegn..

Famiglias chi dischan: Nus at vain jent precis uschè sco cha tü est.

Amias ed amis chi cuntradischan, sch'inchün vain discriminà.

Persunas d'instrucziun chi decleran lur diversità.

Societats, patruns e cumüns chi muossan: Quia est bainvis*a.

Illuminissem nu voul dir müdar ils umans.

Illuminissem voul dir diminuir temmas.

rimplazzar pregüdizis cun savair.

Da muossar, cha persunas queeras nu vöglian nöglia special.

Nus lain il listess sco tuot tschels.

Respet.

Sgürezza.

Amur.

E la libertà dad esser simplamaing nus svest.

Flurir insembel nu voul dir cha nus dvaintan tuots listess.

I voul dir cha nus possan esser differentes – e tuottüna tocker insembel.

Forsa es quai perfin la bellezza d'üna Pride:

Nus nun eschan üna singula fluor.

Nus eschan ün inter prà.

E cur cha'l vent boffa, staina insembel.

Perquai: lascha'ns flurir hoz.

Per nus.

Per quels chi han amo temma.

Per quels chi tscherchan amo lur vusch.

Per quels chi han amo da zoppar lur amur.

E per tuot quels chi nu pon plü far festa cun nus.

Muossain cha nus nu svainin.

Cha nus nu taschain.

Cha nus nu dain inavo (nu renunzchain sün l)nossa libertà.

E cha cunter ödi crescha alch bler plü ferm:

Amur.

Fain insembel ragischs.

Creschin insembel.

Flurin insembel.

„flurir ensemen“

Grazcha fich